

## BOSHLANG'ICH FUNKSIYA VA UNING TATBIQLARI

*Gulnozaxon Uzoqova Nazirjon qizi*

*Farg'ona viloyati O'zbekiston tuman 2-son kasb-hunar maktabi*

*Matematika fani o'qituvchisi*

Differensial hisobning asosiy vazifasi berilgan  $F(x)$  funksiyaga ko'ra uning hosilasi  $F'(x)=f(x)$  ni yoki differensial  $F'(x)dx=f(x)dx$  ni topishdir.

Endi teskari masala, ya'ni  $F(x)$  funksiyani uning ma'lum  $f'(x)$  hosilasiga yoki  $f'(x)dx$  differensialiga ko'ra topish amali bilan shug'ullanamiz.

**1-ta'rif.** Biror oraliqda aniqlangan  $f(x)$  funksiya uchun shu oraliqning barcha nuqtalarida  $F'(x)=f(x)$  yoki  $dF(x)=f(x)dx$  shart bajarilsa, u holda  $F(x)$  funksiya shu oraliqda  $f(x)$  ning **boshlang'ich funksiyasi** deyiladi.

Masalan,  $F(x)=\sin x$  funksiya butun son o'qida  $f(x)=\cos x$  funksiyaning boshlang'ich funksiyasi bo'ladi, chunki istalgan  $x$  uchun

$F'(x)=(\sin x)'=\cos x=f(x)$ . Shuningdek  $F(x)=\sqrt{1-x^2}$  funksiya  $(-1,1)$  intervalda  $f(x)=-\frac{x}{\sqrt{1-x^2}}$  funksiyaning boshlang'ich funksiyasi bo'ladi, chunki

interval dan olingan barcha  $x$  lar uchun  $F'(x)=(\sqrt{1-x^2})'=-\frac{x}{\sqrt{1-x^2}}=f(x)$ .

**1-eslatma.**  $f(x)$  funksiyaning boshlang'ich funksiyasi  $F(x)$  (agar u mavjud bo'lsa) uzluksiz funksiya bo'ladi.

**Haqiqatan.** Boshlang'ich funksiyaning ta'rifiga binoan  $F'(x)$  hosila mavjud va  $F'(x)=f(x)$ . Differensiallanuvchi funksiyaning uzluksizligidan  $F(x)$  ning uzluksizligi kelib chiqadi.

Endi  $F(x)$  funksiya  $f(x)$  ning istalgan boshlang'ich funksiyasi bo'lganda uning qolgan barcha boshlang'ich funksiyalari  $F(x)+C$  ko'rinishga ega bo'lishni ko'rsatamiz.

Bundan keyin  $C$  orqali ixtiyoriy o'zgarma belgilanadi.

**1-lemma.** Biror oraliqda hosilasi nolga teng funksiya shu oraliqda o'zgarmasdir.

**Isboti.** Shartga ko'ra oraliqdagi barcha  $x$  uchun  $f'(x)=0$ . Oraliqqa tegishli  $x_1 < x_2$  qiymatlarni olib

$$f(x_2) - f(x_1) = f'(z)(x_2 - x_1), \quad x_1 < z < x_2$$

Lagranj formulasini yozamiz.  $f'(z)=0$  bo'lganligi uchun

$f(x_2) - f(x_1) = 0$  yoki  $f(x_2) = f(x_1)$  tenglikka ega bo'lamiz. Bu  $f(x)$  funksiyaning qaralayotgan oraliqning istalgan nuqtalaridagi qiymatlari bir xil ekanligini ya'ni u o'zgarmasligini ko'rsatadi.

**1-teorema.** Agar  $F(x)$  va  $\phi(x)$  funksiyalar  $f(x)$  funksiyaning biror oraliqdagi boshlang'ich funksiyalari bo'lsa, u holda ular bir-biridan o'zgarmas songa farq qiladi:  $\phi(x) - F(x) = C$ .

**Isboti.**  $\phi(x)$  funksiya  $f(x)$  funksiyaning eslatilgan oraliqdagi  $F(x)$  dan farqli boshqa bir boshlang'ich funksiyasi bo'lsin, ya'ni  $\phi'(x) = f'(x)$ .

U holda shu oraliqdagi ixtiyoriy  $x$  uchun

$$[\phi(x) - F(x)]' = \phi'(x) - F'(x) = f(x) - f(x) = 0 \text{ bo'ladi.}$$

32.1- lemmaga muvofiq

$$\phi(x) - F(x) = C \text{ yoki } \phi(x) = F(x) + C \text{ bo'ladi.}$$

Bu teoremadan quyidagi natija kelib chiqadi.

**Natija.** Agar  $F(x)$  funksiya  $f(x)$  ning biror oraliqdagi boshlang'ich funksiyasi bo'ladi, u holda uning shu oraliqdagi istalgan boshlang'ich funksiyasi  $\phi(x) = F(x) + C$  ko'rinishga ega bo'ladi.

**2-eslatma.** Har qanday funksiya ham boshlang'ich funksiyaga ega bo'lavermaydi.

**1-misol.**  $x=0$  nuqtada uzilishga ega

$$f(x) = \begin{cases} -1, & \text{agar } -1 < x < 0 \text{ bo'lsa,} \\ 0, & \text{agar } x = 0 \text{ bo'lsa,} \\ 1, & \text{agar } 0 < x < 1 \text{ bo'lsa} \end{cases}$$

funksiyani qaraymiz.

Bu funksiya  $(-1,1)$  intervalda boshlang'ich funksiyaga ega emasligini ko'rsatamiz. Teskarisini faraz qilamiz.  $(-1,1)$  intervalda  $f(x)$  funksiya uchun boshlang'ich funksiya  $F(x)$  mavjud bo'lsin. U holda ta'rifga binoan  $(-1,1)$  intervalga tegishli barcha  $x$  lar uchun  $F'(x)$  hosila mavjud bo'lib  $F'(x) = f(x)$  tenglik o'rinli bo'ladi. Jumladan  $F'(0) = f(0)$  tenglik ham to'g'ri bo'ladi.  $(0,1)$  intervalga tegishli  $x$  qiymatni olib  $[0,x]$  kesmani qaraymiz.  $F(x)$  funksiya  $[0,x]$  kesmada uzluksiz,  $(0,x)$  intervalda differensiallanuvchi bo'lganligi sababli Lagranj formulaga binoan shunday  $z$  ( $0 < z < x$ ) qiymat mavjud bo'lib

$$F(x) - F(0) = F'(z)(x-0) = f(z) \cdot x = 1 \cdot x = x$$

tenglik o'rinli bo'ladi.

Bundan  $\frac{F(x) - F(0)}{x - 0} = 1$  tenglikka yoki hosilaning ta'rifiga asosan

$$F'(0) = F'(0+) = \lim_{x \rightarrow +0} \frac{F(x) - F(0)}{x - 0} = 1 \text{ tenglikka ega bo'lamiz. Bu tenglik } F'(0) =$$

$= f(0) = 0$  ga zid. Bu ziddiyatga berilgan  $f(x)$  funksiya uchun  $F(x)$  boshlang'ich funksiya mavjud deb qilgan noto'g'ri farazimiz oqibatida keldik.

**2-misol.**  $x=0$  nuqtada uzilishga ega bo'lgan

$$f(x) = \begin{cases} +1, & \text{agar } -1 < x \leq 0 \\ 2x, & \text{agar } 0 < x < 1 \end{cases} \text{ bo'lsa}$$

funksiyani qaraymiz. Bu funksiya uchun

$$f(x) = \begin{cases} x, & \text{agar } -1 < x \leq 0 \\ x^2, & \text{agar } 0 < x < 1 \end{cases} \text{ bo'lsa}$$

funksiya  $(-1,1)$  oraliqda boshlang'ich funksiya bo'lishi ko'rinib turibdi.

Bu misollardan ko'rinib turibdiki uzilishga ega funksiyalar orasida boshlang'ich funksiyaga ega bo'lganlari ham ega bo'lmaganlari ham mavjud ekan.

**2-teorema.** Biror oraliqda uzluksiz funksiya shu oraliqda boshlang'ich funksiyaga ega.

Bu teoremaning isboti keyinroq keltiriladi.

### Adabiyotlar ro'yxati

1. В.П.Минорский. Сборник задач по высшей математике. Москва, «Наука», 2010.
2. Э.Холмуродов,З.Узоқов-Экстремумлар назариясининг амалий масалалар ечишга тадбиқи,Қарши,2011й.